



Zajednička komisija za nadzor nad radom
Obavještajno-sigurnosne agencije Bosne i Hercegovine
Zajedničko povjerenstvo za nadzor nad radom
Obavještajno-sigurnosne agencije Bosne i Hercegovine

Зједничка комисија за надзор над радом
Обавјештајно-безбједносне агенције Босне и Херцеговине

Broj: 03/2,50-3-96/09
Sarajevo, 28. 4. 2009. godine

IZVJEŠTAJ

sa sastanka Zajedničke komisije za nadzor nad radom OSABiH s Komisijom za sigurnost Doma naroda i Komisijom za sigurnost Predstavničkog doma Parlamenta Federacije BiH

Članovi Zajedničke komisije za nadzor nad radom Obavještajno-sigurnosne agencije BiH su, u skladu s Planom rada za 2009. godinu, 8. aprila 2009., u prostorijama Parlamentarne skupštine BiH, održali sastanak s članovima Komisije za sigurnost Doma naroda i Komisije za sigurnost Predstavničkog doma Parlamenta Federacije BiH.

Sastanku su, u ime Zajedničke komisije, prisustvovali:

1. Mirko Okolić, predsjedavajući
2. Šemsudin Mehmedović, drugi zamjenik predsjedavajućeg
3. Zoran Koprivica, član
4. Rudo Vidović, član
5. Slavko Jovičić, član
6. Drago Ljubičić, član
7. Sadka Đonko, sekretar i
8. Predrag Nikolić, stručni savjetnik.

Sastanku su, u ime Komisije za sigurnost Doma naroda, prisustvovali:

1. Saša Magazinović, član
2. Asim Kamber, član
3. Mika Lešić, član i
4. Merima Nišić, sekretar

Sastanku su, u ime Komisije za sigurnost Predstavničkog doma, prisustvovali:

1. Sead Jusić, predsjednik
2. Mehmed Žilić, član
3. Hajrudin Mehanović, član
4. Stanko Primorac, član i
5. Senada Sijerčić, sekretar

Predsjedavajući Mirko Okolić je, u ime Komisije, pozdravio prisutne. Naglasio je da Komisija, Planom rada za 2009., predviđjela ovu posjetu s ciljem razmjene iskustava, uspostavljanja saradnje između parlamentarnih tijela zaduženih za nadzor nad sigurnosnim sektorom i unapređenja stanja u ovim oblastima u BiH.

Predsjedavajući je upoznao prisutne o nadležnostima Komisije.

Imajući u vidu da Komisija provodi nadzor nad primjenom Zakona o zaštiti tajnih podataka na svim nivoima vlasti u Bosni i Hercegovini, naglasio je da bi danas trebalo da razgovaraju o primjeni ovog zakona sa aspekta rada obje komisije.

U ime komisija Parlamenta Federacije BiH, obratili su se: Saša Magazinović, Mika Lešić, Sead Jusić, Mehmed Žilić, Hajrudin Mehanović i Stanko Primorac.

Tom prilikom data je podrška održavanju ovog sastanka i izražena želja da to bude praksa i ubuduće. Istaknuto je da komisije Parlamenta Federacije BiH ne provode nikakav nadzor nad institucijama u Federaciji BiH. Nadležnosti ovih komisija utvrđene su poslovnica oba doma Parlamenta FBiH. Naglašeno je kako se nadzor nad radom sigurnosnih institucija u Federaciji BiH svodi na razmatranje njihovih izvještaja o radu i statističkih podataka. Učesnici u raspravi naglasili su da je veoma važno provoditi parlamentarni nadzor nad institucijama sigurnosti, što je to zajednički zadatak svih nas u borbi protiv svih oblika kriminala. U slučaju bilo kakvih problema u ovim oblastima u entitetima, to se odražava na cijelu teritoriju BiH. Stoga je neophodna saradnja i stalna komunikacija u oblastima sigurnosti.

U raspravi su učestvovali članovi Komisije: Slavko Jovičić, Šemsudin Mehmedović, Rudo Vidović, Zoran Koprivica i Drago Ljubičić.

Kao jedan od važnih segmenata za sigurnost građana, istaknuta je politička stabilnost u BiH. Imajući u vidu zakonom utvrđene nadležnosti, te ljudske i materijalno-tehničke kapacitete, Obavještajno-sigurnosna agencija BiH predstavlja najvažniju instituciju BiH za prikupljanje informacija. U tom smislu potrebno je stalno educirati osoblje OSABiH kao i članove Komisije, imajući u vidu da je naša država u tranziciji i da je očekuju veliki poslovi s tim u vezi. Bosna i Hercegovina dijeli sudbinu ostalih zemalja kada je u pitanju ekonomska kriza u svijetu kao i pitanja organiziranog kriminala, terorizma, trgovina drogom i dr., koji mogu uticati na njenu sigurnost. Sigurnosne službe su važan instrumenat u otklanjanju sigurnosnih prijetnji i njihov rad može značajno doprinijeti u donošenju kvalitetnih odluka nosilaca vlasti u BiH.

Međusobna saradnja svih institucija u oblasti sigurnosti predstavlja jedan od osnovnih uslova sigurnosti jer tačne, potpune i blagovremene informacije u borbi protiv svih prijetnji sigurnosti potrebni su sada nego ikad.

Nakon rasprave, svi učesnici sastanka saglasili su se da se saradnja komisija nastavi i ubuduće, radi razmjene iskustava, davanja prijedloga i mišljenja a kako bi službe sigurnosti bile u funkciji građana.

**Predsjedavajući Komisije
mr. Mirko Okolić**